



**Broj: 02-50-1-16-18/08
Sarajevo: 17.6.2008. godine**

**ZAPISNIK
18. sjednice Doma naroda
Parlamentarne skupštine Bosne i Hercegovine,
održane 17.6.2008.godine**

Sjednica je počela u 16,55 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 11 delegata.

Delegati Hazim Rančić, Slobodan Šaraba, Božo Rajić i Zoran Koprivica opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda usvojio je sljedeći izmijenjeni

D N E V N I R E D

1. Odgovori na delegatska pitanja i delegatska pitanja;
2. Prijedlog zakona o lijekovima i medicinskim sredstvima (drugo čitanje), predlagač: Vijeće ministara BiH;
3. Prijedlog zakona o izmjenama i dopunama Zakona o jedinstvenom matičnom broju (drugo čitanje), predlagač: Vijeće ministara BiH;
4. Prijedlog zakona o izmjenama i dopunama Zakona o ličnoj karti državljana BiH (drugo čitanje), predlagač: Vijeće ministara BiH;
5. Prijedlog zakona o izmjenama i dopunama Zakona o prebivalištu i boravištu državljana BiH (drugo čitanje), predlagač: Vijeće ministara BiH;
6. Prijedlog zakona o izmjenama i dopunama Zakona o krivičnom postupku BiH (drugo čitanje), predlagač: Vijeće ministara BiH;
7. Prijedlog zakona o plaćama i naknadama u institucijama Bosne i Hercegovine (drugo čitanje), predlagač: Vijeće ministara BiH;
8. Prijedlog zakona o Agenciji za identifikacione dokumente, evidenciju i razmjenu podataka BiH (drugo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o polaganju pravosudnog ispita u BiH (drugo čitanje) predlagač: Vijeće ministara BiH;
10. Prijedlog okvirnog zakona o srednjem stručnom obrazovanju i obuci u Bosni i Hercegovini (prvo čitanje), predlagač: Vijeće ministara BiH;
11. Prijedlog zakona o izmjenama i dopunama Zakona o udruženjima i fondacijama BiH (prvo čitanje), predlagač: Vijeće ministara BiH;
12. Prijedlog zakona o graničnoj kontroli, sa Mišljenjem Zajedničke komisije za odbranu i sigurnost (prvo čitanje), predlagač: Vijeće ministara BiH;

13. Izvještaj Zajedničke komisije za usaglašavanje teksta o Prijedlogu zakona o izmjenama i dopunama Zakona o upotrebi i zaštiti naziva Bosne i Hercegovine;
14. Imenovanje tri člana u Komisiju za usaglašavanje teksta Prijedloga zakona o Fiskalnom vijeću BiH;
15. Imenovanje generalnog revizora i zamjenika generalnog revizora (kandidatsku rang-listu dostavila Komisija za izbor generalnog revizora i zamjenika generalnog revizora);
16. Imenovanje tri delegata iz Doma naroda u Ad hoc komisiju za provođenje procedure za imenovanje:
 - a. Nezavisnog odbora kao nezavisnog tijela policijske strukture BiH,
 - b. Odbora za žalbe građana kao nezavisnog tijela policijske strukture BiH;
17. Razmatranje izvještaja o radu za 2007. godinu zajedničkih komisija oba doma:
 - a. Zajedničke komisije za odbranu i sigurnost BiH,
 - b. Zajedničke sigurnosno-obavještajne komisije za nadzor nad radom Obavještajno-sigurnosne agencije BiH,
 - c. Zajedničke komisije za ljudska prava, prava djeteta, mlade, imigraciju, izbjeglice, azil i etiku,
 - d. Zajedničke komisije za administrativne poslove,
 - e. Zajedničke komisije za evropske integracije,
 - f. Zajedničke komisije za ekonomske reforme i razvoj.
18. Davanje saglasnosti za ratifikaciju Strazburškog sporazuma o međunarodnoj klasifikaciji patenata, zaključenog 24. marta 1971., a izmijenjenog 28. septembra 1979.;
19. Davanje saglasnosti za ratifikaciju Evropske konvencije o nezastarijevanju zločina protiv čovječnosti i ratnih zločina, Strasbourg, 25. januara 1974.;
20. Davanje saglasnosti za ratifikaciju Konvencije o zaštiti nematerijalne kulturne baštine (UNESCO), Pariz, 17. oktobra 2003.;
21. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela;
22. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o readmisiji lica koja nezakonito borave;
23. Davanje saglasnosti za ratifikaciju Okvirnog sporazuma između BiH i Komisije Evropskih zajednica o pravilima saradnje koja se odnose na finansijsku pomoć EZ-a Bosni i Hercegovini u okviru realizacije pomoći kroz instrumente pretpristupne pomoći (IPA);
24. Davanje saglasnosti za ratifikaciju Dvogodišnjeg sporazuma o saradnji (BCA) između BiH i Regionalnog ureda Svjetske zdravstvene organizacije za Evropu 2008./2009.;
25. Davanje saglasnosti za ratifikaciju Odluke o ratifikaciji Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28. aprila 1977., izmijenjen 26. septembra 1980.;
26. Davanje saglasnosti za ratifikaciju Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.;
27. Davanje saglasnosti za ratifikaciju Međunarodne konvencije o zaštiti umjetnika izvođača, proizvođača fonograma i radiodifuznih organizacija, Rim, 26. oktobra 1961.;
28. Davanje saglasnosti za ratifikaciju Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobra 1971.;
29. Davanje saglasnosti za ratifikaciju Statuta, Općih principa i Proceduralnih pravila Komisije Codex Alimentarius;
30. Davanje saglasnosti za ratifikaciju Evropske socijalne povelje (revidirane), Strasbourg, 3. maja 1996.;

31. Inicijativa za rješavanje pitanja decertificiranih policajaca u Bosni i Hercegovini, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku.

Ad.1. Odgovori na delegatska pitanja i delegatska pitanja

Odgovor na delegatsko pitanje dobili su: Ilija Filipović, na pitanje postavljeno na 15. i 16. sjednici, Adem Ibrahimpašić, na pitanje postavljeno na 14. sjednici, Mladen Ivanić na pitanje postavljeno na 15. sjednici, Dušanka Majkić, na pitanje postavljeno na 15. sjednici i Ivo Miro Jović, na pitanje postavljeno na 11. sjednici Doma naroda.

Delegat Ilija Filipović izjasnio se da je djelimično zadovoljan odgovorom na pitanje postavljeno na 15 sjednici i da nije zadovoljan odgovorom na pitanje postavljeno na 16. sjednici Doma.

Delegat Adem Ibrahimpašić konstatirao je da je, s obzirom na novonastalu situaciju i potpisivanje Sporazuma o stabilizaciji i pridruživanju, odgovor na postavljeno pitanje je bespredmetan.

Delegat Mladen Ivanić izjasnio se da nije zadovoljan dobivenim odgovorom te je obnovio svoje pitanje.

Delegati Dušanka Majkić i Ivo Miro Jović izjasnili su se da nisu zadovoljni dobivenim odgovorom.

Delegat Sulejman Tihić izjasnio se da je djelimično zadovoljan dobivenim odgovorom na pitanje postavljeno na 15. sjednici Doma.

Delegat Dušanka Majkić postavila je sljedeće pitanje Vijeću ministara BiH:

„U članu 6. Zakona o Vijeću ministara BiH stoji:

„Ukupni sastav Vijeća ministara BiH će u toku cijelog mandata biti u potpunosti u skladu sa Ustavom Bosne i Hercegovine, naročito njegovim čl. V.4. (b) i IX.3., te će se u skladu s tim u sastavu Vijeća ministara BiH osigurati jednaka zastupljenost konstitutivnih naroda Bosne i Hercegovine.“

U članu 8. istog zakona stoji :

„ Osim ministra koji je odgovoran za rad ministarstva u cjelini i zamjenika ministra, s pravima i dužnostima iz prethodnog člana ovog zakona, svako ministarstvo ima i sekretara ministarstva, koji obavlja poslove i zadatke utvrđene Zakonom o državnoj službi u institucijama Bosne i Hercegovine i čije imenovanje se vrši u skladu s odredbama tog zakona i uz uvažavanje principa sadržanih u članu 6. ovog zakona.“

Ministarstvo sigurnosti BiH i Ministarstvo pravde BiH su dva jedina ministarstva u Vijeću ministara BiH u kojima ministar, zamjenik ministra i sekretar ne potiču iz sva tri konstitutivna naroda. U oba ministarstva zastupljeni su po jedan predstavnik hrvatskog naroda i po dva predstavnika bošnjačkog naroda. Dakle, nema predstavnika srpskog naroda.

S obzirom na evidentnu diskriminaciju srpskog naroda u ova dva ministarstva, molim Vijeće ministara BiH da mi odgovori na sljedeća pitanja:

1. Kada će biti izvršen nacionalni balans na navedenim pozicijama u Ministarstvu sigurnosti BiH i Ministarstvu pravde BiH?

2. Kakav je nacionalni sastav u svih 12 organizacionih jedinica u Ministarstvu sigurnosti BiH? Navesti sve nazive radnih mjesta, te kvalifikacionu i nacionalnu strukturu po radnim mjestima.
3. Kakav je nacionalni sastav u svih devet organizacionih jedinica u Ministarstvu pravde BiH? Navesti sve nazive radnih mjesta, te kvalifikacionu i nacionalnu strukturu po radnim mjestima.“

Delegat Mladen Ivanić postavio je sljedeće pitanje Vijeću ministara BiH:

„Predstavnički dom zadužio je Vijeće ministara BiH da do 15.2.2008. pripremi informaciju o efektima uvođenja dvije stope PDV-a. Zašto informacija kasni i kada će biti gotova? Da li je Vijeće ministara BiH za izradu programa zaštite socijalno ugroženih kategorija stanovništva ili je za uvođenje dvije stope PDV-a?“

Ad. 2. Prijedlog zakona o lijekovima i medicinskim sredstvima (drugo čitanje), predlaž: **Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio Zakon o lijekovima i medicinskim sredstvima sa osam amandmana koji su identični amandmanima usvojenim u Predstavničkom domu.

Amandman I.

U članu 2. iza tačke 32) dodaje se nova tačka 33), koja glasi: „KONTROLNA LABORATORIJA AGENCIJE, kao organizacioni dio Agencije za lijekove i medicinska sredstva Bosne i Hercegovine je laboratorija nadležna za ispitivanje i kontrolu kvaliteta lijekova i ocjenu dokumentacije o kvalitetu lijeka (farmaceutsko-hemijsko-biološko-mikrobiološka).“

Amandman II.

U članu 2. dosadašnja tačka 33), koja postaje tačka 34), mijenja se i glasi: „OVLAŠTENA LABORATORIJA je laboratorija angažirana od Agencije za lijekove i medicinska sredstva Bosne i Hercegovine, u skladu s ovim zakonom, za poslove specifičnih analiza, a koja se nalazi u mreži Službenih kontrolnih laboratorija za lijekove (OMCL Official Medicine Control Laboratories), ili laboratorija ovlaštena od Agencija za lijekove i medicinska sredstva Bosne i Hercegovine za poslove ispitivanja lijekova u toku procesa razvoja i/ili proizvodnje lijeka a prije podnošenja zahtjeva za proizvodnju ili promet lijeka, ili laboratorija ovlaštena odnosno priznata od Agencije za lijekove i medicinska sredstva Bosne i Hercegovine za poslove kontrole kvaliteta svake serije proizvedenog odnosno uvezenog lijeka.“

Postojeća tačka 34. postaje tačka 35., a ostale tačke ovog člana od 35. do 56. mijenjaju redoslijed i postaju tačke od 35. do 57.

Amandman III.

U članu 9. stav (2) iza riječi „sredstva“ briše se interpunkcijski znak i riječi: „ili poslove kontrole lijekova“, a preostali tekst ostaje isti.

Amandman IV.

U članu 17. stav (5) iza riječi: „najmanje pet godina“ stavlja se tačka a preostali dio teksta briše se.

Amandman V.

U članu 58. stav (5) tačka 1) mijenja se i glasi:

„Da ima osiguran odgovarajući prostor, opremu i kadar za proizvodnju, ispitivanje i kontrolu kvaliteta u skladu s obimom i zahtjevima proizvodnog postupka ili potpisane odgovarajuće ugovore kojima dijelove proizvodnog procesa i analize povjerava trećoj strani, te uslove za skladištenje i otpremu lijekova.“

U stavu (9) iza riječi „nadzora“ dodaje se tekst: „te uslove za ugovorenu proizvodnju i kontrolu“, a ostali dio teksta ostaje nepromijenjen.

Amandman VI.

U članu 65. stav (1) tačka 2) mijenja se i glasi: „imati zaključen ugovor s laboratorijem za lijekove, u skladu s odredbama člana 79. ovog zakona.“

Amandman VII.

Član 79. mijenja se i glasi:

Vrste kontrola kvaliteta lijekova

(1) Kontrola kvaliteta lijekova koju obavlja Kontrolna laboratorija Agencije je:

- 1) redovna kontrola kvaliteta svih lijekova koji su u prometu u BiH i koja se obavlja najmanje jednom u pet godina;
 - 2) kontrola kvaliteta prve serije lijeka prije stavljanja u promet i prilikom obnove i varijacija koje zahtijevaju kontrole kvaliteta;
 - 3) kontrola kvaliteta svake serije proizvedenog, odnosno uvezenog lijeka i supstance;
 - 4) vanredna kontrola kvaliteta, odnosno kontrola kvaliteta lijeka koja se provodi na zahtjev Agencije u toku pribavljanja dozvole za stavljanje lijeka u promet ili nakon njenog pribavljanja;
 - 5) posebna kontrola kvaliteta, odnosno kontrola kvaliteta svake serije rizičnih i drugih specifičnih kategorija lijekova.
- (2) Izuzetno od stava (1) ovog člana, kontrolu kvaliteta lijeka iz stava (1) tačka 3) može provesti laboratorija ovlaštena, odnosno priznata od Agencije za lijekove i medicinska sredstva Bosne i Hercegovine.
- (3) U slučaju kada kontrolu kvaliteta lijeka predviđenu stavom (1) tačka 3) ovog člana provodi Kontrolna laboratorija Agencije, proizvođač/uvoznik dužan je prije stavljanja u promet dostaviti Agenciji uzorak, a rok za provođenje takve kontrole je 30 dana.
- (4) U slučaju kada kontrolu kvaliteta lijeka predviđenu stavom (1) tačka 3) ovog člana provodi ovlaštena, odnosno priznata laboratorija, proizvođač/uvoznik dužan je prije stavljanja u promet Agenciji dostaviti uzorak i nalaz izvršene kontrole.
- (5) Na prijedlog direktora Agencije, Stručno vijeće detaljno propisuje način i obim provođenja kontrole kvaliteta iz stava (1), pripremljene od Kontrolne laboratorije Agencije.

Amandman VIII.

U članu 140. stav (10) u posljednoj rečenici dio teksta iza riječi „otpremninu“ mijenja se i glasi: „u visini iznosa šestomjesečne plaće. Visina pomenute otpremnine povećava se na 12 mjeseci za državne službenike koji imaju najmanje 15 godina radnog staža.“

Ad. 3. Prijedlog zakona o izmjenama i dopunama Zakona o jedinstvenom matičnom broju (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o jedinstvenom matičnom broju s jednim amandmanom:

Amandman I.

U članu 255. iza stava (2) dodaje se stav (3), koji glasi:

„U roku od 90 dana od dana stupanja na snagu ovog zakona, organ koji vodi centralnu evidenciju u skladu sa zadatkom kojim se uređuje oblast centralne evidencije i razmjene podataka u BiH donosi propise o:

- a. zaštiti podataka o centralnoj evidenciji, u skladu sa Zakonom kojim se uređuje zaštita podataka u BiH;
- b. načinu dostave podataka;
- c. načinu razmjene podataka između organa koji vode centralnu evidenciju i nadležnih organa“.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za postizanja sporazuma o identičnom tekstu Zakona: Almu Čolo, Ivu Miru Jovića i Dragu Ljubičića.

Ad. 4. Prijedlog zakona o izmjenama i dopunama Zakona o ličnoj karti državljana BiH (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o ličnoj karti državljana BiH u identičnom tekstu kao i Predstavnički dom.

Ad.5. Prijedlog zakona o izmjenama i dopunama Zakona o prebivalištu i boravištu državljana BiH (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o prebivalištu i boravištu državljana Bosne i Hercegovine u identičnom tekstu kao i Predstavnički dom.

Ad. 6 Prijedlog zakona o izmjenama i dopunama Zakona o krivičnom postupku BiH (drugo čitanje), predlagač: Vijeće ministara BiH

U raspravi o ovoj tački dnevnog reda učestvovao je Mladen Ivanić.

Dom naroda jednoglasno je usvojio Zakon o izmjenama i dopunama Zakona o krivičnom postupku s 15 amandmana koji su identični amandmanima usvojenim u Predstavničkom domu.

Amandman I.

Član 1. briše se.

Amandman II.

U članu 3. riječ „svaki“ briše se.

Amandman III.

U členu 8. stav (3) briše se.
 Dosadašnji st. (5) i (6) postaju st. (6) i (7)

Amandman IV.

U členu 11. stav (2) u novoj tački g) iza riječi: „u skladu s članom 197.“ dodaju se riječi: „i o oduzimanju imovinske koristi pribavljene krivičnim djelima, u skladu s članom 392.“

Amandman V.

U členu 14. stav (2) mijenja se i glasi:
 „U členu 47. stav (3) riječi: branilac osumnjičenog, odnosno optuženog ima“ zamjenjuje se riječima: „osumnjičeni, optuženi, odnosno branilac imaju“.

Amandman VI.

U členu 24. u prvom redu iza riječi: „i ako to učine“ dodaju se riječi: „u prisustvu branioca“.

Amandman VII.

Član 29. mijenja se i glasi :
 „Ako prepoznavanje nije moguće u skladu sa stavom (3) ovog člana, prepoznavanje će se izvršiti na osnovu prepoznavanja fotografija tog lica ili predmeta postavljenih među fotografijama svjedoku nepoznatih lica ili predmeta iste vrste.“

Amandman VIII.

U členu 38. stav (4) iza riječi :“ako se“ dodaju se riječi :“osumnjičeni ili“.

Amandman IX.

U členu 39. stav (2) mijenja se i glasi :
 „U členu 132. stav (1) tačka d) mijenja se i glasi: „u vandrednim okolnostima, ako se radi o krivičnom djelu za koje se može izreći kazna zatvora deset godina ili teža kazna, a koje je posebno teško s obzirom na način izvršenja ili posljedice krivičnog djela, ako bi puštanje na slobodu rezultiralo stvarnom prijetnjom narušavanja javnog reda“.

Amandman X.

U členu 44. stav (8) riječ „vijeće“ briše se.

Amandman XI.

U členu 66. stav (1) u tački d) iza riječi: „za imovinskopravni zahtjev“ dodaju se riječi: “i oduzimanje imovinske koristi pribavljene krivičnim djelom“.

Amandman XII.

U členu 67. stav (6) u tački a) iza riječi: “za imovinskopravni zahtjev“ dodaju se zarez i riječi: „oduzimanje imovinske koristi pribavljene krivičnim djelom“.

Amandman XIII.

U členu 73. u trećem redu ispred riječi „zahtjev“ dodaje se riječ „opravdan“, a na kraju teksta brišu se navodnici i dodaje nova rečenica, koja glasi: „O opravdanosti zahtjeva odlučuje sudija, odnosno predsjednik vijeća.“

Amandman XIV.

Član 103. briše se.

Amandman XV.

Član 110. briše se.

Ad. 7. Prijedlog zakona o plaćama i naknadama u institucijama Bosne i Hercegovine (drugo čitanje), predlagač: Vijeće ministara BiH

U raspravi o ovoj tački dnevnog reda učestvovali su: Dušanka Majkić, Alma Čolo, Ilija Filipović, Mladen Ivanić, Adem Ibrahimpašić, Branko Zrno, Rudo Vidović, Ivo Miro Jović i Dragan Vrankić, ministar finansija i trezora BiH.

Dom naroda je, s devet glasova „za“, jednim glasom „protiv“ i jednim „suzdržanim“ glasom, usvojio Zakon o plaćama i naknadama u institucijama Bosne i Hercegovine s 18 amandmana koji su identični amandmanima usvojenim u Predstavničkom domu.

Amandman I.

U članu 1. (Predmet) stav (1) na kraju rečenice stavlja se zarez i dodaje tekst koji glasi: "izuzev plaća i naknada sudija, tužilaca i određenih kategorija stručnog osoblja u pravosudnim institucijama, koje se uređuju posebnim zakonom."

Amandman II.

POGLAVLJE I. - USTAVNI SUD I PRAVOSUĐE, sa članovima 8. i 9. briše se.
Poglavlja II. do IX. u drugom dijelu Prijedloga zakona postaju poglavlja I. do VIII.
Članovi 10. do 65. Prijedloga zakona postaju članovi 8. do 63.

Amandman III.

Član 10. Prijedloga zakona mijenja se i glasi:

(1)

Platni razred	Radno mjesto	Koeficijent
A1	Sekretar doma u Parlamentarnoj skupštini BiH i sekretar Zajedničke službe Parlamentarne skupštine BiH	6,50
A2	Savjetnik predsjedavajućeg i zamjenika predsjedavajućeg doma PSBiH	4,50

Amandman IV.

Član 11. briše se.

Shodno amandmanima na čl. 10. i 11. Prijedloga zakona, u cijelom Zakonu briše se tekst koji se odnosi na poslanike i delegate, što će biti učinjeno prilikom mototehničke obrade Zakona.

Amandman V.

Član 12. mijenja se i glasi:

Platni razred	Radno mjesto	Koeficijenti						
		nulti	1	2	3	4	5	6
B1	Stručni saradnik	2,10	2,17	2,20	2,25	2,28	2,33	2,37
B2	Viši stručni saradnik	2,35	2,40	2,45	2,50	2,53	2,60	2,70
B3	Stručni savjetnik	2,73	2,80	2,90	3,00	3,10	3,20	3,28

B4	Šef odjela	3,25	3,35	3,50	3,70	3,90	4,10	4,25
B5	Rukovodeći državni službenici (sekretar parlamentarne komisije, pomoćnik sekretara doma, pomoćnik sekretara Zajedničke službe, rukovodilac sektora, interni revizor)	4,20	4,35	4,50	4,65	4,80	4,95	5,05

Amandman VI.

U članu 13. mijenjaju se koeficijenti u sljedećim platnim razredima:

- Platni razred A2- „Predsjedavajući Vijeća ministara“, koeficijent od „9,50“ mijenja se i glasi „9,00“,
 - Platni razred A3- „Zamjenik predsjedavajućeg Vijeća ministara“, koeficijent od „9,00“ mijenja se i glasi „8,80“,
 - U platnom razredu A5, koeficijent „8,00“ mijenja se i glasi „8,20“.
- Ostali koeficijenti u članu 13. ostaju isti.

Amandman VII.

U članu 13. Prijedloga zakona, u platnom razredu A6, iza riječi: "direktor Direkcije za evropske integracije" stavlja se zarez i dodaju riječi: „direktor Direkcije za ekonomsko planiranje“.

Amandman VIII.

- 1.U članu 13. platni razred A10 „Šef kabineta predsjedavajućeg Vijeća ministara BiH, šef kabineta člana Predsjedništva BiH, koeficijent 4,96, mijenja se i glasi: Platni razred A8 „Šef kabineta predsjedavajućeg Vijeća ministara BiH, šef kabineta člana Predsjedništva BiH koeficijent 6,1“.
2. Platni razredi A8 u Prijedlogu zakona postaje A9, platni razred A9 postaje platni razred A10, platni razred A10 postaje A11.
3. U istom članu platni razred A12 mijenja se i glasi: „Savjetnik predsjedavajućeg Vijeća ministara BiH, savjetnik člana Predsjedništva BiH, koeficijent 4,50 (umjesto 4,08)“.

Amandman IX.

U članu 14. platni razredi B1, B2, B3, B4 i B6 i pripadajući koeficijenti usklađuju se s platnim razredima i koeficijentima zaposlenih na istim ili sličnim pozicijama iz člana 12. ovog zakona. Također, u platnom razredu B4 dodaju se riječi: „šef grupe u UIO“.

U istom članu, u platnom razredu B5, iza riječi „sekretar upravne organizacije“ dodaju se riječi: „rukovodilac osnovne organizacione jedinice Predsjedništva BiH, šef odsjeka u UIO“, analogno članu 25. ovog zakona, pod B5.

U istom članu, u platnom razredu B8, brišu se riječi: „Generalni sekretar Predsjedništva BiH“, dodaje se novi platni razred B9 s nazivom radnog mjesta: „Generalni sekretar Predsjedništva BiH i koeficijentom 6,50“.

Amandman X.

U članu 22. stav (1) tačka a) postojeći broj: „30%“ mijenja se i glasi: „35%“.

Amandman XI.

U članu 24., u tabelarnom prikazu, vrše se izmjene u sljedećim platnim razredima:

- Spajaju se platni razredi A1 i A2, a postojeći koeficijenti smanjuju se i iznose 8,40.

Ovom izmjenom vrši se pomjeranje platnih razreda kojih sada treba biti ukupno osam.

Amandman XII.

U članu 25., platni razredi B1, B2, B3, B4 i B6 i pripadajući koeficijenti usklađuju se s platnim razredima i koeficijentima zaposlenih na istim ili sličnim pozicijama iz člana 12. ovog zakona.

Amandman XIII.

U članu 29. stav (1) tačka b) alineja 1) broj " 30% " zamjenjuje se brojem " 40%", broj "25%" zamjenjuje se brojem "30%".

Amandman XIV.

U članu 40. dodaje se stav (4), koji glasi:

„Vijeće ministara BiH dužno je jednom godišnje dostaviti spisak lica koja koriste prava iz stava (3) ovog člana Parlamentarnoj skupštini BiH.“

Amandman XV.

U članu 45. stav (2) iza riječi u zagradi "maćeha" dodaju se riječi: "usvojlac i hranilac".

Amandman XVI.

U članu 48. stav (1) iza riječi: "provedeno na radu" stavlja se tačka, a preostali dio teksta briše se.

Amandman XVII.

U članu 62. stav (1) tačke b) i c) brišu se.

U istom članu u stavu (2) umjesto: "2011. godine" treba da stoji: "2009. godine".

Amandman XVIII.

U članu 63. (Prestanak važenja ranijih zakona i propisa), podtačka a) briše se, a podtačke b), c), d), e), f), g), h) i j) postaju podtačke a), b), c), d), e), f), g) i h).

Iza tačke h) dodaju se nove tačke i) i j), koje glase:

"i) član 43. stav 4. Zakona o komunikacijama Bosne i Hercegovine ("Službeni glasnik BiH", br. 33/02 i 31/03),

j) čl. 50., 51., 52., 53., 54. i 55. Zakona o Obavještajno-sigurnosnoj agenciji Bosne i Hercegovine ("Službeni glasnik BiH", br.12/04)."

Dom naroda također je usvojio sljedeće zaključke:

„Obavezuje se Vijeće ministara BiH da u roku od 60 dana izradi prijedlog zakona o plaćama i naknadama u sudskim i tužilačkim institucijama na nivou Bosne i Hercegovine i dostavi ga u parlamentarnu proceduru“.

„Dom naroda Parlamentarne skupštine BiH obavezuje Vijeće ministara BiH da, u roku od šest mjeseci od početka primjene Zakona o plaćama i naknadama u institucijama BiH, napravi detaljnu analizu i sačini prijedlog izmjena i dopuna navedenog zakona u onim slučajevima kod kojih se ustanovi da je došlo do propusta kod određivanja elemenata plaća i naknada i uputi ga Parlamentarnoj skupštini na razmatranje i usvajanje“.

Ad. 8. Prijedlog zakona o Agenciji za identifikacione dokumente, evidenciju i razmjenu podataka BiH (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o Agenciji za identifikacione dokumente, evidenciju i razmjenu podataka BiH u identičnom tekstu kao i Predstavnički dom.

Ad. 9. Prijedlog zakona o izmjenama i dopunama Zakona o polaganju pravosudnog ispita u BiH (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o polaganju pravosudnog ispita u BiH u identičnom tekstu kao i Predstavnički dom.

Ad.10. Prijedlog okvirnog zakona o srednjem stručnom obrazovanju i obuci u Bosni i Hercegovini (prvo čitanje), predlagač: Vijeće ministara BiH

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio u prvom čitanju Prijedlog okvirnog zakona o srednjem stručnom obrazovanju i obuci u Bosni i Hercegovini.

Ad. 11. Prijedlog zakona o izmjenama i dopunama Zakona o udruženjima i fondacijama BiH (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o udruženjima i fondacijama.

Ad.12. Prijedlog zakona o graničnoj kontroli, s Mišljenjem Zajedničke komisije za odbranu i sigurnost (prvo čitanje), predlagač: Vijeće ministara BiH

U raspravi o ovoj tački dnevnog reda učestvovali su : Branko Zrno, Dušanka Majkić i Alma Čolo.

Dom naroda **nije** usvojio Mišljenje Zajedničke komisije za odbranu i sigurnost, te je zadužio Komisiju da ponovo razmotri Prijedlog zakona i dostavi novo mišljenje o principima.

Ad.13. Izvještaj Zajedničke komisije za usaglašavanje teksta o Prijedlogu zakona o izmjenama i dopunama Zakona o upotrebi i zaštiti naziva Bosne i Hercegovine

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o usaglašavanju teksta Zakona o izmjenama i dopunama Zakona o upotrebi i zaštiti naziva Bosne i Hercegovine.

Ad.14. Imenovanje tri člana u Komisiju za usaglašavanje teksta Prijedloga zakona o Fiskalnom vijeću BiH

Rasprava o ovoj tački dnevnog reda nije vođena.

Dom naroda jednoglasno je imenovao Dušanku Majkić, Rudu Vidovića i Hilmu Neimarliju u Zajedničku komisiju za usaglašavanje teksta Zakona o Fiskalnom vijeću BiH.

Ad.15. Imenovanje generalnog revizora i zamjenika generalnog revizora (kandidatsku rang-listu dostavila Komisija za izbor generalnog revizora i zamjenika generalnog revizora)

U raspravi o ovoj tački dnevnog reda učestvovali su: Ivo Miro Jović, Dušanka Majkić, Adem Ibrahimpašić, Alma Čolo, Branko Zrno, Hilmo Neimarlija, Mladen Ivanić, Sulejman Tihic i Ilija Filipović.

Dom naroda jednoglasno je za generalnog revizora imenovao Milenka Šegu iz hrvatskog naroda.

Za zamjenika generalnog revizora iz bošnjačkog naroda prvo se glasalo o prvom kandidatu na rang-listi Dževadu Nekiću.

U prvom krugu glasanja, Dom naroda je, sa sedam glasova „za“, tri glasa „protiv“ i jednim „suzdržanim“ glasom, zbog nepostojanja entitetske većine, pristupio usaglašavanju.

S obzirom da nije postignuta saglasnost, pristupilo se drugom krugu glasanja te je sa sedam glasova „za“ i četiri glasa „protiv“, od kojih je jedan glas „protiv“ iz Federacije a tri glasa „protiv“ iz RS-a, što znači da 2/3 delegata iz Republike Srpske nije bilo protiv.

Dževad Nekić imenovan je za zamjenika generalnog revizora iz bošnjačkog naroda.

Za zamjenika generalnog revizora iz srpskog naroda prvo se glasalo o prvom kandidatu na rang-listi Draganu Kulini, kojeg Dom naroda, sa četiri glasa „za“ i sedam glasova „protiv“, nije imenovao.

Pristupilo se glasanju o drugom kandidatu s rang-liste Božani Trninić.

Dom naroda je, sa sedam glasova „za“, tri glasa „protiv“ i jednim „suzdržanim“ glasom, imenovao Božanu Trninić za zamjenika generalnog revizora iz srpskog naroda.

Ad.16. Imenovanje tri delegata iz Doma naroda u Ad hoc komisiju za provođenje procedure za imenovanje:

a. Nezavisnog odbora kao nezavisnog tijela policijske strukture BiH,

b. Odbora za žalbe građana kao nezavisnog tijela policijske strukture BiH.

Rasprava o ovoj tački dnevnog reda nije vođena.

Dom naroda imenovao je Hazima Rančića, Branka Zrnu i Mladena Ivanića u Ad hoc komisiju za provođenje procedure za imenovanje:

a. Nezavisnog odbora kao nezavisnog tijela policijske strukture BiH,

b. Odbora za žalbe građana kao nezavisnog tijela policijske strukture BiH.

Ad.17. Razmatranje izvještaja o radu za 2007. godinu zajedničkih komisija oba doma:

a. Zajedničke komisije za odbranu i sigurnost BiH,

b. Zajedničke sigurnosno-obavještajne komisije za nadzor nad radom Obavještajno-sigurnosne agencije BiH,

c. Zajedničke komisije za ljudska prava, prava djeteta, mlade, imigraciju, izbjeglice, azil i etiku,

d. Zajedničke komisije za administrativne poslove,

e. Zajedničke komisije za evropske integracije,

f. Zajedničke komisije za ekonomske reforme i razvoj.

Rasprava o ovoj tački dnevnog reda nije vođena.

Dom naroda jednoglasno je usvojio izvještaje o radu za 2007. godinu navedenih zajedničkih komisija oba doma.

Ad.18. Davanje saglasnosti za ratifikaciju Strazburškog sporazuma o međunarodnoj klasifikaciji patenata, zaključenog 24. marta 1971., a izmijenjenog 28. septembra 1979.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Strazburškog sporazuma o međunarodnoj klasifikaciji patenata, zaključenog 24. marta 1971., a izmijenjenog 28. septembra 1979.

Ad.19. Davanje saglasnosti za ratifikaciju Evropske konvencije o nezastarijevanju zločina protiv čovječnosti i ratnih zločina, Strasbourg, 25. januara 1974.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Evropske konvencije o nezastarijevanju zločina protiv čovječnosti i ratnih zločina, Strassbourg, 25. januara 1974.

Ad.20. Davanje saglasnosti za ratifikaciju Konvencije o zaštiti nematerijalne kulturne baštine (UNESCO), Pariz, 17. oktobra 2003.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije o zaštiti nematerijalne kulturne baštine (UNESCO), Pariz, 17. oktobra 2003.

Ad. 21. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela.

Ad. 22. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o readmisiji lica koja nezakonito borave

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Makedonije o readmisiji lica koja nezakonito borave.

Ad. 23. Davanje saglasnosti za ratifikaciju Okvirnog sporazuma između BiH i Komisije Evropskih zajednica o pravilima saradnje koja se odnose na finansijsku pomoć EZ-a Bosni i Hercegovini u okviru realizacije pomoći kroz instrumente pretprijetne pomoći (IPA)

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Okvirnog sporazuma između BiH i Komisije Evropskih zajednica o pravilima saradnje koja se odnose na finansijsku pomoć EZ-a Bosni i Hercegovini u okviru realizacije pomoći kroz instrumente pretprijetne pomoći (IPA).

Ad.24. Davanje saglasnosti za ratifikaciju Dvogodišnjeg sporazuma o saradnji (BCA) između BiH i Regionalnog ureda Svjetske zdravstvene organizacije za Evropu 2008./2009.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Dvogodišnjeg sporazuma o saradnji (BCA) između BiH i Regionalnog ureda Svjetske zdravstvene organizacije za Evropu 2008./2009.

Ad.25. Davanje saglasnosti za ratifikaciju Odluke o ratifikaciji Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28. aprila 1977., izmijenjenor 26. septembra 1980.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28. aprila 1977., izmijenjenor 26. septembra 1980.

Ad.26. Davanje saglasnosti za ratifikaciju Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.

Ad.27. Davanje saglasnosti za ratifikaciju Međunarodne konvencije o zaštiti umjetnika izvođača, proizvođača fonograma i radiodifuznih organizacija, Rim, 26. oktobra 1961.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Međunarodne konvencije o zaštiti umjetnika izvođača, proizvođača fonograma i radiodifuznih organizacija, Rim, 26. oktobra 1961.

Ad.28. Davanje saglasnosti za ratifikaciju Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobra 1971.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobra 1971.

Ad.29. Davanje saglasnosti za ratifikaciju Statuta, Općih principa i Proceduralnih pravila Komisije Codex Alimentarius

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Statuta, Općih principa i Proceduralnih pravila Komisije Codex Alimentarius.

**Ad.30. Davanje saglasnosti za ratifikaciju Evropske socijalne povelje (revidirane),
Strasbourg, 3. maja 1996.**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Evropske socijalne povelje (revidirane), Strassbourg, 3. maja 1996.

**Ad.31. Inicijativa za rješavanje pitanja decertificiranih policajaca u Bosni i Hercegovini,
predlagač: Zajednička komisija za ljudska prava, prava djeteta, mlade, imigraciju,
izbjeglice, azil i etiku**

Rasprava o ovoj tački dnevnog reda nije vođena.

Dom naroda jednoglasno je usvojio Inicijativu za rješavanje pitanja decertificiranih policajaca u Bosni i Hercegovini, čiji je predlagač Zajednička komisija za ljudska prava, prava djeteta, mlade, imigraciju, izbjeglice, azil i etiku, kojom predlaže Vijeću ministara BiH hitno rješavanje pitanja decertificiranih policajaca u Bosni i Hercegovini.

Sjednica je završena u 20,15 sati.

Sastavni dio ovog zapisnika je neautorizirani transkript 18. sjednice Doma naroda.

**SEKRETAR
DOMA NARODA**
Marin Vukoja, s.r

**PREDSJEDAVAJUĆI
DOMA NARODA**
Sulejman Tihić, dipl.iur., s.r.